



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

«18» օգոստոս 2022թ.

ք. Երևան, Ս. Դավթի 87Ա

ՈՐՈՇՈՒՄ N 923-1-Ա ՎԱՐՉԱԿԱՆ ԱԿՏՆ ՌԻԺԸ ԿՈՐՑՐԱԾ ՃԱՆԱՉԵԼՈՒ ՄԱՍԻՆ

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս, քննարկելով ֆիզիկական անձ Հովհաննես Հակոբյանի վերաբերյալ վարչական վարույթի նյութերը,

ՊԱՐԶԵՑԻ

Համաձայն հարկային վարչարարության ընթացքում հարկային իրավախախտում հայտնաբերելուց անմիջապես հետո հարկային մարմնի պատասխանատու պաշտոնատար անձի կողմից կազմվող թիվ N297/2022/ԿՈՒՎԿ/Ա արձանագրության /կցվում է/ ֆիզիկական անձ Հովհաննես Հակոբյանի (Հասցե՝ Երևան, Բաբաջանյան փ., 21 շենք, բն. 14, ՀՎՀՀ՝ 28064561, անձնագիր՝ AU0226947) չկատարված հարկային պարտավորությունը 04.03.2022թ. դրությամբ կազմել է 166,641 դրամ, որից հարկ՝ 163,823 դրամ, տույժ՝ 2,818 դրամ, որը հաշվարկվել է ֆիզիկական անձի կողմից 06.12.2021թ. ԵԱՏՄ անդամ պետությունից ՀՀ տարածք ապրանքներ ներմուծելու արդյունքում՝ ՀՀ հարկային օրենսգրքի (այսուհետ Օրենսգրքը) 63-րդ հոդվածի 1-ին կետով սահմանված կարգով:

Վերոնշյալ պարտավորությունը գանձելու վերաբերյալ 31.03.2022 թվականին կայացվել է թիվ 923-Ա որոշումը:

Հաշվի առնելով ՀՏՈՎ վարչության 11.07.2022 թվականի թիվ Ն/71-4/119740-2022 գրությունն առ այն, որ ֆիզիկական անձ Հովհաննես Հակոբյանի կողմից 06.04.2022 թվականին ներկայացված 06.12.2021 թվականի ԵԱՏՄ անդամ պետության տարածքից կատարված ներմուծման վերաբերյալ ներմուծման հարկային հայտարարագիրը վերաբերում է թիվ N297/2022/ԿՈՒՎԿ/Ա արձանագրությամբ նշված գործարքին, ուստի առկա են բավարար հիմքեր թիվ N297/2022/ԿՈՒՎԿ/Ա արձանագրության հիման վրա կայացված թիվ 923-Ա որոշումն ուժը կորցրած ճանաչելու համար:

Ելնելով վերոգրյալից և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 66-րդ հոդվածի 2-րդ մասով՝

ՈՐՈՇԵՑԻ

Ֆիզիկական անձ Հովհաննես Հակոբյանի վերաբերյալ ՀՀ ՊԵԿ իրավաբանական վարչության պետի կողմից 31.03.2022 թվականին կայացված թիվ 923-Ա որոշումը ճանաչել ուժը կորցրած:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



ԱՐՄԱՆ ՄՆԱՑԱԿԱՆՅԱՆ

Կատարող՝
Իրավաբանական վարչության հարկադիր գանձման և
պարտավորությունների կատարման ապահովման բաժին
Սեդա Ասատրյան
հեռ.՝ 010-309-191 (9155)